

V 9
1494



Handwritten text in a Gothic script, likely a title or index, running vertically along the right edge of the page.



188 a

III

Vg
1494

Warhafftige Bildnis
etlicher Hochlöblichen Fürsten vnd
 Herren/welche zu der zeit/da die heilige Göt
 liche Schrift / so durch Menschen satzung /
 lange verdunckelt gewesen / Durch Gottes
 gnaden wider an Tag komen ist /
 Regieret vnd gelebet
 haben.



M. D.

LXII.

Gedruckt zu Wittenberg / Durch
 Gabriel Schnellboltz.



Faint, illegible text at the top of the page, possibly bleed-through from the reverse side.



Faint, illegible text in the middle of the page, possibly bleed-through or very faded handwriting.

Faint, illegible text at the bottom of the page, possibly bleed-through or very faded handwriting.



Dem Hochwirdig-

sten in Gott/durchleuchtigsten/ hoch
gebornen Fürsten vnd Herrn/ Herrn Sigis-
mundo/ Ertzbischouen zu Magdeburg/ Pri-
maten in Germanien / Administratori des
Stiffts Halberstad/ Marggrauen zu Bran-
denburg / zu Stetin/ Pomern / der Cassu-
ben / Wenden / vnd in Schlesien / zu Crossen
Hertzogen/ Burggrauen zu Nürnberg /
vnd Fürsten zu Rugen / Mei-
nem gnedigsten Herrn.

Gottes gnad vnd friede / sampt aller se-
ligen Wolfart / in diesem newen Jare / durch
das new geborne Kindelein / Christum Jhe-
sum / waren Gott mit vns / vnsern einigen
Wittler vnd Heiland.



Nter andern grossen Mi-
rackeln vnd Wunderwercken
Gottes / damit Er seine vn-
ausprechliche liebe / güte vnd
barmhertzigkeit dem Mensch-
lichen geschlecht beweiset / ist

dieses nicht das geringste: Das der ewige
gütliche Gott / die weltliche Oberkeit einge-
setzt vnd verordnet hat / zum Schutz der fro-
men / vnd zur Straff der Gottlosen / Vns da-
mit zuerinnern / das ein Gott sey / vnd das er
weise / gerecht / keusch / vnd ein Recher aller
vbelthat vnd bosheit sey.

Dem wo wir diesen Schutz der Ober-
keit / vns aus grundloser gütte von Gott
verliehē / nicht hettē / were es nicht wol mög-
lich / das wegen der Gottlosen / Blutgierige
Reute / dadurch der Teuffel gerne das gantze
Menschliche leben zerstören wolte / im Men-
schlichen geschlecht eine Christliche Kirche
kündte gesamlet werden / vñ würden die Men-
schen wie die Schafe one einen Hirten sein.
Darumb auch Moses in seinem iij. Buch
am xxvij. Cap: Den Herren / der ein Gott
vber alles lebendiges Fleisch ist / kurtz ehe er
zu den Vetern gesamlet wird / bittet / er wol-
te einen Man setzen vber die Gemeine / der
für inen heraus vnd eingehe / vnd sie aus vnd
ein füre / das die Gemeine des H E R R E N
nicht sey / wie die Schaf one Hirten.

Derent

D Erentwegen er sie auch gewapnet hat
 mit dem Schwert / vnd gesetzt auff den hohe
 Stul / auff das sie sich weit umbsehen / gerech
 tigkeit vnd gericht im Lande zuhalten / vnd
 beide Tafeln Mose mit gewapneter hand zu
 verteidigen / Hat auch die Vnterthanen / ir
 zu gehorsamen / mit eigenen Sebot verbun
 den: Du solt Vater vnd Mutter ehren.

D Erhalten sollen wir dem Allmechti
 gen gutigen Vater / vor solche seine vnaus
 forschliche Liebe vnd gnade von hertzen dan
 cken / vnd daneben bittē / er wolle seiner Chri
 stlichen Kirchen zu gut / vns solche Gberkeit
 verleihen / die es mit der Christliche Kirche
 vnd gemeinen nutz trewlich meinen / Denn
 es eine gabe Gottes ist / fromme Gberkeit ha
 ben / Wie Ihesus Gyrach am x. sagt: Das
 Regimēt auff Erden / steht in Gottes hand /
 derselbe gibt ir zu zeiten einen tüchtigen Re
 genten / Es steht in Gottes hand / das einem
 Regenten gerate / derselbe gibt im einen lob
 lichen Cantzler.

D Zeweil aber der ewige gutige Gott /
 aus grosser gnad vnd Barmhertzigkeit / itzt

24 in in

in den letzten gefährlichen zeiten / da er / ehe
der erschreckliche Tag des H E R R E N ko
men wird / widerumb das Reich seiner Bar
heit / sein liebes Euangelium hat leuchten
lassen / zu förderunge seines Götliche worts /
Weise / Frome / Gottfürchtige vnd Christli
che Regenten hat erwecket / welche mehr zu
frieden vnd einigkeit geneigt / aus betrach
tunge / das keine zucht / erbarmkeit / reine Lehr
vnd künste in vneinigkeit vnd kriegem erhal
ten können werdē: Sollen wir billich dem lie
ben Gott danken / vnd seine grosse Barmher
zigkeit rühmen / hochloben vnd preisen / Da
neben auch die herrliche löbliche thaten / die
Gott durch solche hohe Personen vns erzei
get / nicht in vergessen stellen / Sondern viel
mehr dem Exempel der alten nach / welche
wolverdienten hohen Personen Statuas vñ
Wahlzeichen / irer dabey zugedencken / eregi
ret haben / sie stets vor augen haben / auff das
dabey die grosse Güte vnd Barmhertzigkeit
Gottes gerühmet / vnd ire Successores vnd
Nachkümlinge / inen in allem thun vnd wan
del nachzufolgē / bewogē vñ erinnert werdē.

vnd

Wird damit solches füglich geschehen
möchte / hab ich / so viel mir möglich / vleis an
gewand / damit ich etlicher Fürsten vnd Her
ren / nach warer Abcontrafectur / Bildnis
bekomen / welche ich in dis Büchlein zusa
men gefast / in Druck habe gehē lassen / Will
mich auch mit Gottes hülff / ferner beverleissi
gen / das auch der andern hochlöblichen Re
genten Imagines / zu diesen möchten ge
bracht werden.

Habe aber / Hochwürdigster in Gott /
Durchleuchtigster / Hochgeborner Fürst /
vnd Herr / solche meine Arbeit E. F. S. offe
riren wollen / demnach mir bewust E. F. S.
stete vbung vnd vleis / Geschicht vnd Histo
rien / in Biblischen vñ Heidnischen geschriff
ten zulesen / Das in ansehunge der hohen
Personen / welche der ewige Vater vns aus
gnaden / in diesen letzten zeiten gegeben /
E. F. S. sonderzweiuel die hochlöbliche Tha
ten der Regenten / gegeneinander halten
vnd bewegen / Vnd weil alle hohe gaben von
Gott komen / dadurch / den Himlischen Va
ter vmb Weisheit / verstand vnd selige Re
gierung

gierung zu bitten / bewogen werden / Wie
der König Salomon im anfang seiner Re:
gierung bittet: Du wollest H E R R dei:
nem Knecht geben ein gehorsam hertz / das
er dein Volck richten müge / vnd verstehn /
was gut vnd böse ist.

Ist demnach mein vnterthenige gehor:
same bitt / E. F. S. geruhen aus Fürstlich:
er miltigkeit / vnd löblicher angehörner gü:
tigkeit / solche meine geringe Arbeit gnedig:
lich entpfahen / vnd in gnedigen befehl habē.
Das wil ich vmb E. F. S. mit meinem ar:
men demütigen Gebet / vmb E. F. S. lan:
ges leben / vnd glückselige Regierung ge:
gen dem ewigen Schepffer Himmels vnd der
Erden / vnterthenig verdienen. Aus Wit:
tenberg am neuen Jarstage / Anno Christi
M. D. lxxij. Von erschaffung der Welt /
fünff tausent / fünff hundert / vier vñ zwetzig.
E. F. S.

vntertheniger
Diener.

Gabriel Schnellholtz Buch:
drucker zu Wittenberg.

Psalmus xxiiij.

Domini est terra & plenitudo &c.

AD CLARISSIMUM VIRVM
virtute & eruditione præstantem Domi-
num M. Paulum Prætorium, Dominum
& Mecœnatem suum omni ob-
seruantia colendum.

In ewigen Gott durch Ihesum Christ
Himmel vnd Erd erschaffen ist /
Vnd alls was drauff vnd drinnen ist /
Wie mans Johann am ersten list :
Das ewig Wort / Gottes ewige Son
Im anfang ist ewig geboren /
Vnd war bey Gott zu jeder zeit /
Das Wort war Gott in Ewigkeit.
Bey Gott das Wort im anfang war /
Alls ist durch In gemacht verwar /
Er hat wol vbr das Meer die Welt
Begründt / darumb sie feste helt /
Mit schönen Wassern hat Er auch fein
Gar schön geziert die Erde sein.
Wer wird doch auff des HERN Berg gehn?
Wer wird auff seine heiligen stet stehn?

A v

Der/

22
Der / so vnſchuldig Hende hat /
Vnd in ein reinen hertz in her gath /
Der nicht hat luſt zu loſer Lehr /
Dazu nicht feſchlich ſchweret ſehr.
Derſelbe wird in Ewigkeit
Den Segn vnd die Berechtigkeith.
Von Gott ſeins heils vom HERREN ſein
Entpfahen durch den glauben allein /
Denn das (ſag ich) iſts ſelb Geſchlecht /
Das nach im fragt / vernim mich recht /
Das Gottes Antlitꝝ ſuchen thut
Beim Volck Iſrahel vnd Jacob gut.
Hebt auff ewr Heuptr jr König gut /
Jr Fürſtn ewr Thor vnd Thurn auffthut:
Das der König der ehren gros
Herein möcht gehn in ewer Schloß /
Gebt Herberg ſeiner Kirchen auch
Gein Wort laß gehn im rechten gebrauch /
Jr ſolt ſie Geugn / vnd ſolt ſie nehrn /
Denn es beſtelt der König der ehren.
Wer iſt aber der König der ehren /
Dem wir itzt ſollen dienen gern ?
Es iſt der HERR ſtarck vnd mechtig /
Der im ſtreit behelt allein den Sieg /

Hebt auff ewer Haupt ir König gut /
 Ir Fürstn ewer Thor vñ Thürn auffthut /
 Das der König der ehren gros
 Herein möcht gehn in ewer Schloß /
 Wer ist derselb König der ehren?
 Es ist der **HERRE** aller Herrn /
HERRE Zebaoth: Er ist allzeit
 Ein König der ehren in Ewigkeit.

Johann: Agricola Spremb:



00
Carolus v. von Got-
tes gnaden/der xxxix. deutsche Reis.

Carolus der fünfft ward erwelt /
Da man nach Christi gburte hat zelt /
Tausent / fünffhundert neunzehn Jar /
Ein weiser / streichbar Fürst er war .
Bar gros verenderung ist geschehn
Zu seiner zeit / wies ist zusehn
Im gantzen Reich / die Religion
Ist recht erklet gantz liecht vnd schon /
Bepredigt ward an alle ort /
Das keine liechte heilsam Wort :
Das wir gerecht vnd selig sein /
Durch den rechtschaffen glauben allein /
An vnsern GOTTEN Ihesum Christ /
Der vnser Versüner worden ist .
Mit vnsern eignen Wercken nit /
Verdient kein Mensch die Seligkeit
Das einig hoh Gypfer allein
Christus Ihesus wil selbest
Der new Behorsam ein Frucht
Des glaubens / folgt zu jeder zeit .



B



Ferdinandus I. von
Gottes gnaden/ der vierzigste
Deutsche Keiser.

Ausent/ fünff hundert vnd dreissig iar /
Nach Christ geburt/ nim eben war.
Da zwitteracht vnd vneinigkeic /
In Christliche lehr sich weit ausbreit.
Ward ich erwelt von Gottes gnad /
Zu Cöllen in der werden Stad.
Zum Römischen Keiser/ nach altem gebrauch /
Auff das versehn das Reich werd auch.
Nebn Carolo dem Bruder mein /
Zu regiern vnd König zu sein.
Damit erhalten würd zu gleich /
Fried/ einigkeic im gantzen Reich.
Doch nach meins Brudern selign end,
Blieb auff mir das gantz Regiment.
Den ewigen Gott ruff ich stets an /
Das er hierin mir thu beistan.
Das ich möcht fried vnd einigkeic /
Erhalten bey meins lebens zeit.



B ii

Ware Abcontrafa-
ctur der Königin Marien / Des vn-
überwindlichen Keisers /
Caroli v. Schwe-
ster.

Schau an dis Adeltiche Bild /
Hier abgemalt o Leser mild /
Fraw Mariae der Königin /
In Tugent schön / mich rewt vernim.
Ein Schwester des trefflichen Held /
Caroli quinti auserwelt.
Des Römischen Keisers / des Weisheit /
Berühmt / gepreist ist weit vnd breit.
Wie Tugenthafft ist manigfalt /
Recht anzusehn ir schön gestalt.
Wie sitlich ist ir hertz geziert /
Wie adelich / Fürstlich formirt.
Fürstlich tugent zu jeder frist /
In schönem Leib angnehmer ist.





B ij



Bildnis des Durch
leuchtigsten/ Grosmechtigsten Für-
sten vnd Herrn/ Herrn Christian zu Den-
nemarck/ Schweden vnd Nord-
weden etc. König.

Steh an das adeliche Bild /
Des grosmechtigsten Fürsten mild /
Christian König in Dennemarck /
Schweden/ Norweden/ des Helds so starck.
So weis/ gerecht/ wer wolt abmaln/
Die tugent seins Gemüts on zahn.
Ein Beschützer ist er gwest allzeit /
Der reinen Lehr der Christenheit.
Hat Herbirg verlehnt vnd friedlichn stand /
Der Christlichn Kirchn in seinem Land.
Wie Esaias sein thut lern /
Aus eingebung des Geists des HERRN:
Die Könige solln dein Pfleger sein /
Vnd die Fürstin Geugammen dein.
Dafür im stets die Christlich Gemein /
In Gott allzeit wird danckbar sein.



42
Sigmundus Au-
gustus II. von Gottes gnaden / Kö-
nig zu Polen / Grosfürsten zu Littaw vnd
Eblingen / Zu Reuss. vnd Preuss. etc.

Schau an Christlicher Leser mild /
Das Fürstlich adeliches Bild /
Des Königs im gantz Polnerland /
Sigmund von Gottes gnaden genandt /
Grosfürsten zu Littaw / Preussen /
Pomern / Masuren vnd Reussen.
Dar löblich hat der edle Fürst
Regirt / allzeit nachm recht gedürst.
Sein Reich hat er in Fried vnd ruh
Erhalten / vnd gemehrt darzu.
Den Vnterthanen / Arm vnd Reich /
Bericht gehalten allzeit gleich.
Wie solchs ein löblichn Fürsten gut /
Vnd mehrer seins Reichs gbüren thut.
Deutschland hat er beschützet frey /
Vor der Türcken gros Tyranny.
Des im sehr gros zu dancken sey /
Der ewige Gott der stehe im bey.



Von Gottes gna-
den/ Herzog Friderich der Dritt-
te/ Churfürst zu Sach-
ssen, etc.

Widrich bin ich billich genandt /
Den schön fried erhielt ich im land /
Durch gros vernüfft / gedult vñ glück
Wider manchen Ertz bösen tück.
Mein Land zieret ich mit Sebew /
Vnd stiftt ein hohe Schul auffß new.
Zu Wittenberg im Sachßner land /
Die in allr Welt ist wol bekandt.
Denn aus derselben kam Gottes Wort /
Welchs wirckt gros ding an manchen ort.
Des Bēstisch reich stürtzet er nider /
Vnd bracht rechten glauben wider.
Im fünffzehnhundert / siebenzehn Jar /
Martin Luther erklet die Wahr.
Zum Keiser auch erkorn ward ich /
Des mein alter beschweret sich.
Darfur ich Keiser Carl erwelt /
Von dem mich nicht wand gunst noch gelt.



Cii

Hertzog Johannes
der Erste / Churfürst zu Sachsen.

Mich meines lieben Brudern end /
Blich auff mir das gantz Regiment.
Den Bawre krieg halff ich durch Got
Dempffen / errett Deudschland aus not.
Der Rottengeister Feind ich war /
Hielt im Land Gottes wort rein vnd klar.
Gros drewen / bitter has vnd neid /
Ich vmb Gottes worts willen leid.
Fre y bekand ichs aus hertzen grund /
Vnd Personlich selbst ich da stund /
Vorn Keiser Carln vnd gantzem Reich /
Von Fürsten war gschehn nie des gleich.
Ferdnard zum Römischen König macht /
Der gülden Bulln halbn sein Wahl anfacht
Wierol das grossen zorn erregt /
Mich doch mehr rechts denn gunst bewegt.
Das hertz gab Gott dem Keiser zart /
Das er zu letzt mein gute Freund ward.
Mein End hernach in fried beschlos /
Welchs dem Teuffel fast sehr verdros.



C iij



Son Gottes gna-
den / Johannes Friderich der Elter /
Hertzog zu Sachsen / Landgraff in Thürin-
gen / vnd Marggraue zu Meissen.

Epitaph
Beschaw dis löblich Angesicht /
Wie Fürstlich vnd wie auffgericht /
Wie Erbar / vnd on arge list /
Der edle Fürst von Sachsen ist.
Die rhümlich Schram empfang der Held /
Vnschuldig in dem weiten Feld.
Da er dem Feind das Angesicht bot /
Vnd kempffet dapffer in der not.
So oft du dieses Angesicht /
Ehrlich verwundet / vnd so liecht
Beschawest / so bedencke wol /
Was man von dem Held halten sol.
Vnd so du liebest Gottes wort /
So bitt vor In an allem ort.
Zu jeder zeit mit allem vleis /
In rechter Bus / Christlicher weis.
Aluff das In vnser lieber Gott /
Seh sein genad in aller not.

*Vide infra
fol. 84.*



W



80

Son Gottes gna-
den / Sibylla Herzogin zu Sach-
ssen / Hertzog Johan Fridrichen des
Eltern Ehelich gemahl.

A Du Allmechtiger ewiger Gott /
Wie gar aus grosser angst vnd not/
Hastu itzund so gnediglich/
Durch deinen Son errettet mich.
In dem du mir gabst wider heim/
Den aller liebsten Herren mein.
Aus Keisers hand / darin er war
Befangen schwer / fünff gantzer Jar.
Hast mich auch aus dem Jammerthal
Erlöset itzt mit meinem Gemahl.
Vnd leben recht in freuden gros/
Mit alln Bleubgen in Abrams schos.
In alles leid / on alle klag/
Warten mit freud den Jüngsten tag.
Drumb wir Dich auch / o trewer Gott /
Preisen vnd ehren fur solch wolthat.
Sagn dir vor deine gnad allzeit /
Lob ehr vnd danck in Ewigkeit.



Handwritten initials or signature.

Handwritten mark or signature.

Son Gottes gna-
den/Georg Herzog zu Sachsen/
Landgraff in Thüringen/vnd Marg-
graff zu Meissen.

In Gottes gnad bin ich genandt /
Georg Hertzog in Sachsenland.
Da sich regt die Auffrührisch Rott
Der Bawren/hat ich grosse not.
Gros müh/arbeit /ehe sie gestilt/
Bis ward gezempt der Bawer wild.
Mein Ehelich gmahl Frau Barbar war /
Ein gborn Königin zu Poln/mir gbar
Dier Sön/fünff Töchter/welch zu hand
Mir wurden benumen allesampt.
Mein Land vnd Leut gab ich behend /
Mein Brudern auff vor meinem end.
Hertzog Heinrich mit allem vlcis/
Vnd seinen beiden Sönen weis.
Darnach ich mich befahl am end/
Dem ewign Gott in seine Hand.





D ii



Son Gottes gna-
den/ Heinrich Herzog zu Sachsen/
Landgraff in Thüringen/ vnd Marg-
graff zu Meissen.

Schau an dis Bild o fromer Christ /
Darin recht abgemalet ist /
Herzog Heinrich der theure Held /
Ein Fürst zu Sachsen außerswelt.
Betracht die edle Tugend sein/
Wie er on schew die Lere rein.
Des Hötlichn worts hat gnomen an/
Dieselb lahn lehrn sein Vnterthan.
Frey öffentlich hat er bekandt /
Die rechte Lehr in seinem Land.
Vnangesehn/ das er schwer ist
Verfolgt/ geplagt/ durchs Teuffels list.
Doch in der ewig gütig Gott/
Beschützet hat in dieser not.
Hat in reichlich belohnt verwar/
Seinen Erben gebn das Land gar.
Wer sich auff Gott verlassen thut/
Der empficht zeitlich vnd ewigs gut.



D iij

Son Gottes gna-
den / Mauricius Herzog zu Sach-
ssen / des heiligen Römischen Reichs Ertz-
marschalck vnd Churfürst etc.

Walch Christ geburt tausent vorwar /
Fünffhundert / acht vnd viertzig jar /
Ward ich vom Keyser Carl genand /
Ein Churfürst in Sachsenland .
In kurtzer zeit hab ich verbracht /
Eilff Züg / gar Ritterlich ich facht /
Beim Türckn kam ich in grosse not /
Doch mich erretth der ewige Gott .
Die Kirchn vnd Schuln in meinem Land /
Ziert ich / wie menglich ich befand .
Bawt auch vnd macht in kurtzer zeit /
Schön Schlösser vnd Vhestung bereit .
Mit Marggraff Albrecht thet ich ein schlacht /
Vmb die Freiheit mit grosser macht .
Ich siegt im an gar streng vnd hart /
Doch ich tödlich geschossen ward .
Mein Geist befahl ich in Gottes hend /
Selig in Gott mein lebn dar end .



Son Gottes gna-
den/ Augustus Herzog zu Sachsen/
Des heiligen Römischen Reichsertz-
marschalck vnd Churfürst etc.

Doch meines Brudern selign End /
Kam auff mich das gantz Regimēt.
Mit Gottes hülff richt ich an zu stund /
Fried/einigkeit/wie es ist kund.
Was friede bringt/ich wol betracht /
Krieg/vneinigkeit zerrüttung macht.
Hindert den lauff der Christlichn lehr /
Dem Predigampt es schadet sehr.
In meinem Land erhalt ich auch /
Die rechte Lehr im rechtm gebrauch.
Drumb ich auch bitt den ewign Gott /
Durch seinen Son stets frü vnd spot.
Wolt mich erhaltē bey seinem Wort /
Das ich dabey bleib/ hie vnd dort.
Vnd recht regier mein Land vnd Leut /
Erhalt gutn fried vnd einigkeit.
Vnd weñ denn kompt das Stündlein mein /
Wolts mir gnedig vnd barmhertzig sein.



Son Gottes gna-
den/ Joachim Marggraue zu Bran-
denburg / des heiligen Römiſchen Reichs
Ertzkemmerer vnd Churfürst etc.

Schaw an / o Reſer gut / diſ Bild /
Darin der edle Fürst ſo mild /
Von Brandenburg Marggraſſ Joach
Iſt abgemalt / mich recht vernim. (im
Dom gantzen Reich ward er erwelt
Zu ziehn mit groſſer macht ins Feld /
Wider den Feind der Chriſtenheit
Den Türckn / in Dingerland ſo weit.
Sein Land vnd Leut hat er in Chri-
Beſchützt / den Frieden gehalten darzu /
Denn er betrachtet hat ſo weis /
Als ein verſtendige Fürst mit vleis /
Was ſchaden brecht vneinigkeitt:
Verrüttung guter ſittn allzeit /
Kein Lehr / gut Künſt / vnd Regiment /
In Krieg vnd zwiſtracht nimpt ein end.
Gwol dem Land / das bleiben thut
In einigkeitt zu frieden gut.



E ij

Von Gottes gna-
den / Friedericus Erzbischoff zu
Halle / vnd Marggraue zu Bran-
denburg / etc.

Das Bild schaw an o fromer Christ /
Darinn schön abgemalet ist /
Von Brandenburg Marggraff Frid
Der sich Christlich vñ gar Fürstlich rich /
Behalten hat / da er gar fein
Befordert hat das Wort so rein.
Da er Erzbischoff ist gewesen
Zu Halle / hat er die Schrift durchlesen
Mit gantzem ernst / damit er hat
Sich fein getröst vor seinem Tod /
Denn da das Stündlein komen ist /
Hat er Gottes grad in dieser frist
In zuuersicht geruffen an /
Das Er im wolt durch seinen Son
Christum Ihesum itzt gnedig sein /
Auff den stehe sein hoffnung allein.
Darnach hat er vor seinem End /
Sein Geist befohn in Gottes hend.



E iij


H. Sigmund / Ertz
bischoff zu Hall / Marggraue zu
Brandenburg.

D Er edle Fürst / o Leser mild (Bild
Marggraff Sigmund / inn diesem
Ertzbischoff zu Hall / ist abgemalt /
Santztugentlich / Fürstlich gestalt.
Wie solich ab beschreiben gut
Sein Fürstlich adelichs Gemüt ?
Denn er die reine Christlich Lehr
In seinem Bisthumb fordert sehr /
Die Menschlich Lehr / vnd Abgötterey
Hat er abgthan löblich vnd frey.
Auch fordert er vor allen thun
Die freie Kunst / vnd glerte Person /
Drumb wir dem ewign Gott allzeit
Vor seine gnad vnd gütigkeit
Soln danckn / das er seine Kirchn zu gut
Solch weis Person erwecken thut.
Vnd bitten / wolt im zu diesem Werck
Welchs Göttlich ist / verleihen sterck /
Das die rein Lehr / das Göttlich Wort
Recht werd befand an allem ort.



Son Gottes gna-
den / Otto Henricus Pfaltzgraff
beim Rein / Hertzog in Baiern / des
heiligen Römischen Reichs
Ertztruckses vnd
Churfürst.

Son Gottes gnad Otto Heinrich /
Pfaltzgraff beim Rein / vernim recht
In diesem Bild ganz adelich / (mit).
Ist anzusehen vnd Fürstlich.
Das reine Wort / die Göttlich Lehr /
In seinem Land thut fördern er.
G wol dem Land da man recht hört
Gottes wort / dasselb lauter lehrt.
Der war kein edler Schatz nicht ist /
Denn Gottes wort zu jeder frist.
Das ist der einig Weg allein
Zur Seligkeit / in Himl herein.
Das ist die Thür / die einge Pfort /
Da man durch geht zum ewign Hort.
Wer den einigen **HERRN** Christ
Recht kendet / gar wol demselben ist.



Son Gottes gna-
den Georg / Fürste zu Anhalt / Gra-
ue zu Alscantien / vnd Herr zu Bernburg vnd
Zerbest / Probst zu Magdeburg
vnd Meissen etc.

Hie steht der Christlich Fürst so weis /
Recht abgemalt mit allem vleis .
Fürst Georg von Anhalt / welche Gott
Gros tugnt vnd gavn verliehen hot .
Das er erkandt den waren Gott /
Den ewign Son in seinem Wort .
Hat in mit hertz vnd mund bekand /
Belert / gepredigt in seinem Land .
Durch Schrifft hat er erkleret sein /
Christum den HERN die Wunder sein /
Das wir gerecht vnd selig sein /
Durch rechten glaubn an In allein .
Dazzu sein Land vnd Leut hat er /
Regieret wol / vnd reine Lehr
In gleet für / in Gottes hend
Sein Geist befohn an seinem End .



Von Gottes gna-
den/ Philipp. zu Stetin/ Pomern/
der Cassuben vnd Wenden
Hertzogen etc.

Philipp der thewre werde Man/
Geborn aus Königlichem Stam.
Hertzog in Pomern vnd Stetin/
In diesem Bild/ mich recht vernim.
In seiner adelichn Bestalt/
Der thewre Fürst steht abgemalt.
Wer kan beschreiben seine Gab/
Die er von Gott empfangen hab.
Alpelles der hochberhümpte Man/
Mit nicht dasselb ausrichten kan.
Er ist weis/ from vnd tugenthafft/
Bezert/ begabt/ mit Gottes krafft.
Das ware/reine/ heilsam Wort/
In seinem Land man lauter hort.
Gwoldem Reich/ darinn der GERR/
Ein Kirch Im samlt/ durch seine Lehr.
Das wird allzeit durch seine güte/
In ewigkeit von im behüt.



S iii

Don Gottes gna-
den/Maria Herzogin in Po-
mern etc.

Sie steht gar künstlich abgemalt/
Die schön vnd tugentfame gestalt.
Mariae der Fürstin hochgnandt /
Geborn Herzogin in Sachssland.
Sie dir Philippe hochgeborn /
Zu ein Gemahl ist außerkorn.
Ein Herzogin in Pommerland /
Zu Stetin/Cassuben/weit bekandt.
Wie schön/adlich ist ir Bestalt /
Bezirt mit gaben manigfalt.
Wiewol die Tugent wird gepreist /
Der schön Lucretia mit vleis.
Hieher geacht / ist sie gar klein /
Wie solchs ist hier zu sehen fein.
Denn kein tugent so hoch vnd werd /
Kein zucht vnd werck auff dieser Erd.
Befellig ist dem ewigen Gott /
In glauben vnd sein heilam Wort.



Fürst Wilhelm /
Graff vnd Herr zu Hen-
nenberg.

Schaw an Christlicher Leser mild /
Das Fürstlich vnd gar adlich Bild /
Wilhelms Brauen zu Hennenberg dar /
Seins alters im achtzigsten Jar.
Der eltist Fürst war er im Reich /
Wernünfftig / weis vnd tugentreich.
Gottfürchtig / warhafft / mit verstand /
In fried regirt sein Leut vnd Land.
Da der Papisten höchster grimm /
Herfür brach durch das Interim.
Blieb er standhafftig vnuerzagt /
Betrost sein Leib vnd Braff schafft wagt.
Das rein Wort Gottes in sein Land /
Er vnerschrocken frey bekand.
Das war sein lust / sein trost vnd rhu /
Da nu des Todes stund herzu
Sich nahet / vnd seins lebens end /
Hab er sein Geist in Gottes hend.



G

PSALMVS II.

Quare fremuerunt gentes &c.

Wie Gott wie ist die Welt so blind /
Wie toben itzt die Menschen Kind /
Wie rotten sich die Heiden nun !
Die Leut vergeblich reden thun :
Die König im Land lehn sich auff /
Vnd sammeln sich die Herrn zu hauff /
Widr Gott vnd sein heilsamen Wort /
Den Hsalbten des HErrn vnd trewe Wort :
Laß vns zerreißen (Sprechen sie)
Ihr Band / vnd von vns werffen hie
Ihr Strick vnd Seil / es wer ein schand
Das wir solln sein in irem Band.
Aber der im Himmel wonen thut /
Der acht nicht ir gros vbermut :
Er lachet ir in seinem Sinn
Vnd spottet ir der HErr / Im Grimm
Wird er ein mal sie sprechen an /
Vnd fragen was sie habn gethan :
In seinem zorn der ewig Gott
Wird sie erschrecken mit dem Tod.
Ich hab (sagt er) den König mein
Zu Sion recht aezet ein /

Auff meinen Berg der heilig ist /
 Zu predigen zu jeder frist /
 Von einer solchen weis zu lehrn /
 Die alle Völcker sollen hörn:
 Das der HERR / der Allmechtge Gott
 Zu mir in gheim gesaget hot:
Du bist mein gliebster Son / den Ich
Heut hab gezeugt / glaub sicherlich.
 Die Heiden wil Ich geben dir
 Zum Erb / heisch du nur solchs von Mir /
 Vnd der Welt end zum eigenthumb /
 Darinn zu herrschn mit grossem rhum /
 Nach dein gefallen soltu sie than
 Mit ein eisern Scepter zuschlan:
 Wie ein Töpffer die Töpffe sein
 Soltu also zuschmeissn die dein.
Derhalb jr König vnd Fürsten all
 Last euch nu weisn / last euch zumal
 Jr Richtr auff diesem Erdenkreis
 Den HERRN züchtigen der alles weis.
 Mit grosser furcht dienet dem HERRN
 Vnd fremet euch / doch mit zittern.

B ij Golt

Solt auch küssen sein geliebten Son/
Das ewig Wort im höchsten Thron /
Das er sich nicht erzürn vber euch/
Vnd komet vmb auffm weg zugleich.
Denn sein zorn wird bald brinnen an:
Wol alln die auff In trawen than.

Johan. Agricola Spremb.



Bedruckt zu Wit-
tenberg/Durch Gabriel
Schnellboltz.





8
7
6
5
4
3
2
1
Inches

19
18
17
16
15
14
13
12
11
10
9
8
7
6
5
4
3
2
1
Centimetres

Farbkarte #13

B.I.G.

Black
3/Color
White
Magenta
Red
Yellow
Green
Cyan
Blue

188 a

Vg
1494

Warhafftige Bildnis

etlicher Hochlöblichen Fürsten vnd Herren/welche zu der zeit/da die heilige Götliche Schrift / so durch Menschen satzung / lange verdunckelt gewesen/Durch Gottes gnaden wider an Tag komen ist / Regieret vnd gelebet haben.



M. D.

LXII.

Gedruckt zu Wittenberg/Durch Gabriel Schnellboltz.